



舊志序

古史有地理職官之志天下官署郡縣又各因其地與職爲別志史載宏綱而別志於事特詳尤徵遠之不可廢者天津列峙官署莫非甸藩之雄而所轄之地固錯綜於郡縣間在兩義皆宜志而舊未有紀也整飭憲副萊陽胡公旣蒞事進屬將父老諸生問其邦之故則以無志告公曰是在我廼用修政之暇稽方界覈故實採異聞授諸生具草躬筆削而成之衆大欣幸則以公命徵予序予惟

天津衛志

舊序

一

天下之事不易於繼而尤難爲創也天津爲古九河近地古之帝王更都三河雍豫之間斯固寂寞之濱耳至元始立海運萬戶府於今城約八里迨明永樂渡此因錫嘉名披草萊而立城北邇京師南扼千萬里之通津而東爲溟海捍蔽矣宣德中始分監儲之司正統中始建學弘治中始分山東憲司統攝其權夫以一大都會如此而曠百年無文獻之傳今也有遺憾於前必有責望於後非公及今修之後益遠而難爲矣夫形勝與天地俱生

而必重於斯故志與地里職官相因以紀洪猷開
後緒者而必備於今日經書蒐求之功可不謂難
哉夫功有難創而難繼者亦有難成而難廢者繼
自是覩是編者其必有所得乎官於是者思地任
之樞要而弗敢輕守已定之防範而不敢紊生於
是者思以美風俗宣人文以無忝於桑梓而道於
是者仰洪猷而益思天下大計且爲畿甸惜民力
而無擾焉夫然則重鎮永爲後人賴而是編之助
亦良多矣必有愛而傳之嗣而修之者今日之功
天津衛志

舊序

二

可庶垂之無窮矣哉如其不然則信乎繼者之難
也予故推胡之意以告後人公名文璧字汝重
以名進士歷官所至聲實兼茂在天津凡費官射
圍城池閱塲之屬皆新而完之以及此廢典蓋政
成而志與俱云翰林院國史編修南海倫以訓著

重修衛志舊牌

江西

彭國光

庚辰
進士

山東提刑按察司副使彭爲重修衛志事照得天
津三衛志書其來已久且并原籍消毀嗣後教化
之純疵風俗之厚薄賢才之登進武職之承襲軍

民之利病營伍之更番建置之興廢事體之沿革
戶口錢糧之增損祥瑞災異之互見御製詩勅之
褒封忠孝節義之紀傳文藝吟咏之標題寓居隱
逸之遷延物產商販之盛衰甚至民謠巷議有關
風化者亦未可輕遺不錄至聖取孺子之歌豈無
爲哉諸如此類慨自正德十四年以後湮沒遺忘
不知其幾何以繼盛美而示將來本道整飭一方
職司風紀亦與有責焉合行修纂看得天津衛儒
學訓導胡曰懋青年銳志博學練才堪以委任爲

天津衛志

舊牌

三

此牌仰本官從公遴選有學行生員及老儒歷諳
世故者各三名先開姓名呈道定奪仍登請鄉大
夫賢士淵識卓見據爲定評羣情輿論並加叅酌
母私而公母虛而實母泛而約母俚而文母輕而
游揚母故爲中傷天道難欺人心難昧諒爾輩必
不爲也倘搜羅考証井井有條除原志仍舊外其
餘應補者增之應革者註之天津形勢城池卷首
各應圖繪者繪之虛心類草成帙本官逐一詳覈
封送本道會同天津監督倉儲戶部員外郎張秉

公校閱刪訂去取絕無成心天日監之編集付之
良工匪直信今且以傳後期無爲同志羞此外若
紙筆之費鐫刻之工酬勞之舉本道另行處置決
不敢干預軍民之毫髮也須勉力共襄其事勿負
重委卽具遵行緣由查繳須至牌者

舊跋

予始至天津索衛志弗得詢其板曰火矣予撫然
惜之居嘗與兵憲彭公談及公亦慨然有志是書
而遺編無考且以公務旁午而未暇及庚寅予得

天津衛志

舊跋

四

舊刻於衛山東都揮使倪君乃知三衛舊無志志
始之正德十四年本鎮副使胡公所定前無所因
草創簡約惟藝文獨詳予於衛爲客職愧非守土
不敢專任且寡聞淺見焉所稱於記載之事獨念
其板燬於分司亭中而以必復舊刻爲己責乃取
其不可易者先命工之而以其有關於風教掌職
者舉而屬諸彭公重修一牌公之制作槩可見也
壬辰春舊刻者告完新裁者甫就復命工續刻未
卒事而公已報榮轉先行吁志者識也善惡皆當

存之以備參考者也而其中亦有不盡然者玩其是而非者可知味其詳而畧者自見間或有所詆譏而其美者不盡無也存乎觀者自得之耳張橫渠作正蒙謂爲粹盤示兒予於衛志亦云天津糧儲戶部郎中張常謹頓首書於末簡

舊跋

嘗觀古人凡遇事觸物皆有日記記也者所以紀其事之顛末物之顯晦及時之先後以備他日之考究焉者是豈徒然而已哉故列國皆有史而今

天津衛志

舊跋

五

之郡縣莫不各有志其亦古昔作史之遺法也由是觀之則志之不可無也明矣矧天津爲兩京要區又非一郡一邑可比正德己卯八月下瀚余受命來茲整飭天津時戶曹鄭公士鳳以督儲寓天津監司一日召飲於浣浴亭遍覽羣公壁韻重爲之惜曰天津何無志也鄭公曰聞前此整飭胡公汝重修輯垂成以改選去弗克終事稿付學宮收錄韓公守清繼之久值地方多事誠有待於執事之今日也余曰諾汝重於余爲同年况斯典曠之

久矣義不敢辭既退取覽仰窺天津之名起於北都定鼎之後前此未有也北近京師東連海岱天下糧艘商舶魚貫而進殆無虛日首建天津及左右三衛以防禦之次及城池則濱海之險有其蔽矣次及屯田則軍國之需有其備矣次及學校則作養之士有所矣次及闕場則講武之夫有其地矣國計所當重也出納之不得其平侵冒之或滋其弊故又設戶部分司以監之民命所當恤也軍民雜處似不能無紛爭之情商賈所聚似不能

天津衛志

舊跋

六

無盜賊之患故又設按察分司以隸之考覈有據區畫有方於是益慨胡公爲謀之遠而用心之勤也明日以復鄭公鄭公乃曰非鉅梓固不能及遠而垂後君其圖之余喜是編之成且重鄭公之命遂翻謄成帙命工分治雖嫌於速成不暇恤也昔晦翁守南康下車未幾輒詢郡志良以是爾至於山川形勝錢穀之盈虛人材之盛衰風俗之美惡及忠孝節義古今著述之類首序已備述之矣余復何言哉庸書此以紀歲月正德十四年孟冬旣

望賜進士第山東按察司副使呂盛書

天津衛志

舊跋

七

凡例

一奉

旨纂修爲

皇清一統書編內記載皆以今時爲主其從前沿習並浮浪之事槩從芟削以成信史用供

宸覽

一建置沿革

舊無今有昔舊今新者備載其詳以勸將來

一山川形勝難移衛係草創之地分野與河間

天津衛志

凡例

八

府同當從府志記之不敢妄增附會

一官職丁地賦役悉循經制凡經廢革者止載

大綱以記事實之所由始

一學校教場乃文事武備之地故各目下備書

建設之詳使人知所重焉

一科貢出仕者書其官未仕者列其名仕宦功

墜宜加備述人才學行不爲遺隱方可激勵後

世

一忠孝節義乃風俗之所關化理之所出書之

示勸必多採孤寒不徇豪右曾經

旌表及公舉者始增入之 舊志載者亦不敢刪
一寺觀祠廟淫祀妄造者不敢濫及津梁渡口
厲民病涉者亦不敢畧

一詩文碑記舊志太繁惟擇其簡要者錄之以
備參考非徒爲吟咏叙作而已

天津衛志總目

卷之一

沿革

建置

形勝

渡蹕

至到

古蹟

卷之二

天津衛志

卷之一

總目

十

風俗

利弊

賦役

戶口

詳籍貫

籍貫

官職前

卷之三

官職後

功塋

崇祀

名宦鄉賢

封蔭

科甲

貢例 附寓賢

耆壽冠帶

人物

土產

災變

天津街志

卷之一

總目

二

宮廟

卷之四

藝文上 詩歌賦

藝文中 記疏書

藝文下 傳示

纂修

整飭天津等處兼理馬政驛傳糧餉屯田河道
鹽法事務山東按察司副使加六級薛柱斗

協修

直隸河間府天津海防清軍兵糧同知高必大

監修

直隸天津衛掌印兼理屯務管守備事楚國柱

叅修

天津衛儒學署教授張國窩

天津衛志

卷之一

姓氏

十二

天津衛學

採輯生員馮允京

張彩

校正生員孫彧

馮士俊

陳日俞

督刊黃世寵

天津衛志

沿革

自古封建不一變遷靡常皆有可考衛乃濱鹵之地宜不能國而星野形勝竊附于河間名屬未改山河如故于今稱雄鎮焉志沿革

按一統志順天府禹貢冀州之域天文箕尾分野高陽氏爲幽陵陶唐曰都虞爲幽州武王封堯後于薊封召公奭于燕後歷秦漢晉魏周隋唐宋沿革不一總不出于幽燕至元初建中都後改爲大都路明洪武初改爲北平府永樂初改爲順天府

國朝因之

衛係直隸密邇

京畿首列者志所自統也

高陽氏

謂之幽陵

唐虞

唐曰都虞爲幽州

天津衛志

卷之一

沿革

十三

夏殷

省幽入冀又為冀州地

周

復置幽州武王封堯後于薊封召公奭於燕

秦

為上谷漁陽二郡地

漢

初為燕國又分置涿郡元狩中改燕國為幽州元鳳初改為廣陽郡本始初更為廣陽國

天津衛志

卷之一

沿革

十四

東漢

省廣陽合上谷永光初復立廣陽郡復罷郡

立幽州治薊

三國魏

改為燕國

晉

改為范陽國

後魏

於薊立燕郡又於郡置幽州

北齊

於幽州置東北道行臺

後周

改置燕及范陽二郡兼立總管于幽州

隋

開皇初郡廢州存後省州入涿郡

唐

武德初改爲幽州總管府開元間改州爲范陽郡乾元初復爲幽州

天津衛志

卷之一

沿革

五

遼

陞幽州爲南京幽都府後改幽都爲析津府

宋

宣和改名燕山府

金

稱燕京改號中都以析津府爲大興府

元

初爲燕京路號大興府至元初建中都後改

爲大都路

明

洪武初改爲北平府永樂初改爲順天府
國朝因之

郡屬

河間府禹貢冀州之域天文箕尾分野春秋爲
東陽國戰國爲燕趙齊地秦屬鉅鹿上谷二郡
漢曰渤海曰河間隋唐曰瀛州宋曰瀛海元爲
河間路明曰河間府

國朝因之

天津衛志

卷之一

沿革

七

衛名

洪武以前無考永樂三年調補
天津衛左衛四年調補右衛

按天津衛屬小直沽荒曠斥鹵之地初無所隸
焉明文皇靖內難駐兵于茲及卽位永樂二年
築城三年調官軍守之文皇渡此賜名曰天津
始隸之河間箕尾分野其賜名之因則李文正
記詳之復考直沽一載武清縣志一載靜海縣
志衛實界于兩縣之間也又曰衛陽此地爲衛
水所經因衛治在南岸故名

國朝因之李文正記載四卷內

建置

鑿池築城守國者之要務夫有地無城與無地同有城無池與無城同衛值衝煩奸宄易生必防禦無懈修葺時勤則倉庫積貯之蓄監所囚羈之犯神機火藥之藏始無踈虞之患矣若養濟院爲恤孤之典義塚爲枯骨之澤橋梁津渡皆王政攸關窰竈井泉皆民居攸賴不可忽也

城池

天津衛志

卷之一

建置

十七

城垣九里十三步高三丈五尺開設四門門上建樓東去潞河二百二十步北抵衛河二百步明永樂二年文皇命工部尚書黃福平江伯陳瑄都指揮僉事凌雲指揮同知黃綱築城浚池民有賽淮安城之說都指揮陳達在鎮用磚包砌逾年始完萬曆十四年寢壞天津道副使王來賢重修詳見碑記順治十年大水滄城坍塌二面總兵甘應祥副使梁應元重修

康熙十三年總鎮趙良棟因民居靠近城墻有

司馬道且城樓內藏火藥淡爲不便令盡行拆
毀離城三丈不許民間起蓋房屋以後永爲遵
行
又於十三年濬週圍城壕使之寬淡如式不許
民間填塞永著爲令

砲臺

崇禎十二年城外撥民地建砲臺七座今總兵
趙良棟每日各臺撥兵十名晝夜防守

閘河

天津衛志

卷之一

建置

七

城東南角石閘一座引海河潮水週城四面由
南城水門入城水門上有引汲受福四字於順
治十年因大水閉塞閘口水涸壕平內外渠溝
皆不能通今士民公呈請詳撫院照舊開濬庶
金湯二字不虛云

堤岸

城西門外有陸公堤在藏經閣前去城半里餘
萬曆三十二年教場口岸衝決浸及城磚二十
四層有清軍同知陸敏捷申請題畱兩營班軍

修護城堤一道繞城西南二面以絕水患係衛城第一要防工成名爲陸公堤今雖坍塌基址

尚存所宜亟修以免後害教場口岸尤爲要害時當補築

樓閣

拱北樓 北門城樓今改北拱神京

鎮東樓 東門城樓今改東連滄海

定南樓 南門城樓今改南達江淮

安西樓 西門城樓今改西引太行

聚奎樓三間今廢

天津衛志 卷之一 建置 十九

鐘鼓樓 在城中十字街

望海樓 在河北望海寺前

館驛樓 在北門外有海門重鎮畿輔要津二扁鄉會寶輿在此

魁星閣 在文昌祠前緊靠義路門

藏經閣 在城外西北角

玉皇閣 在城外東北角

倉廩 附草廩

按漕船志永樂十三年罷海運從裏河運糧令天津衛官建蓋倉廩貯糧於宣德間增置三倉

俱在天津道衙門西命戶部主事一員監督

天津衛大運倉六廩計三十間

官廳三間 門樓一座

天津左衛大盈倉九廩計四十五間

官廳三間 土地祠一所 門樓一座

天津右衛廣備倉七廩計三十五間

官廳三間 關王廟一所 門樓一座

以上闕寇焚毀無存

國朝建

天津衛志

卷之一

建置

三

公字廩六間

聚粟廩五間

裹餼廩五間

日字廩五間

以上四廩一貯本衛屯糧一貯截畱南糧歲

支本鎮兵餉

倉神廟三間 廟後房三間

關王廟一所 係舊建今重修

放糧小廳一間 上宿房二間

積貯門一座

出糧門一座

舊版四至
基址俱存

草廠

在南門內東
白衣庵前

教場

舊建在東門外東南隅今新建在西門外西北隅

左右二營馬步兵原額一千八百四十名今實
在一千五百五十九名各汛亦在內
城守營步守兵原額六百名今實在五百六十
四名

演武廳五間

將臺一座

旗纛廟一座

關帝廟一座

火神廟一座

牌坊

泮宮儒林二坊

在東門裡儒學左右萬曆十四
年重修改敷教興賢歷經重修

天津衛志

卷之一

建置

三

改德配天地
道冠古今

翊隆皇運興起斯文二坊

在文廟照壁內東西
天津道副使加六級

薛柱斗
新建

海天要鎮坊

在總鎮衙前

貞憲肅度二坊

在天津道左右康熙十二年副
使加六級薛柱斗捐俸建

綏民防海坊

在清軍廳左

詰戎儆運坊

在清軍廳右

國計邊儲二坊

在戶部分司左右今存其一

澄清海甸屏翰畿封二坊

在舊道署今廢

黃甲聯芳坊

在北門外為進士張愚立今廢

登瀛坊

為翰林院劉鈺立今廢

羣英坊

為舉人王鷄葉廣趙鑑鍾會葛鳳儀孫昂王登輔立今廢

一鶚橫秋坊

為舉人蔣儀立今廢

進士坊

為進士蔣儀立今廢

孝行節孝坊

孝行坊二為孝子鄭海倪維城立併廢節孝坊一為節婦朱氏立存

昊天聖主坊

在東門外玉皇廟前

護國保民坊

在東門外天妃宮前一在城外西北龍王廟前

龍飛渡蹕坊

在北門外正馬頭河沿上

天津衛志

卷之一

建置

三

星拱辰居石坊

在太虛觀前善士蔣作倫劉好義捐貲建立

橋梁

鴻溝橋

在城西北角十步景泰三年立

安西橋

在西門外去城五六步弘治八年立

石橋

在北門外河北離城二里順治十一年立

魚化橋

在橋星門裡明成化乙酉汴池內有雙鯉躍過是年秋中劉鈺衛琳故名今廢

登瀛橋

在橋星門外康熙十二年天津道副使加六級薛柱斗新建

津渡

真武廟灣

在城東北隅

北馬頭渡

在城北河下

晏公廟渡

在河北

寇家口渡

在城東南十里餘

寶船口渡

在城東南五里餘

西沽渡

在城北三里

大直沽渡

在城東南十里

以上各渡口船隻明萬曆十六年天津整飭

副使查牌仰天津三衛經歷司查議置造各

渡口船隻俱用本道官銀置造每船水手一

名每月每名給工食銀叁錢船隻年湮歲久

今湮廢無存行人苦之

神機庫

天津衛志

卷之一

建置

三

坐落清軍廳衙西 大門三間 正堂三間

監所

坐落左營西 東羈候所 西監

養濟院

坐落城外東南角龍王廟後

明撫院李繼貞創立

審竈

天津衛中所燒造官審五座坐落馬家口地方

天津衛左所燒造官審五座坐落馬家口地方

天津衛右所燒造官審五座坐落西門外

以上燒磚修城基址猶存

井泉

義井 在河北寺

惠井 在南門外明弘治七年開水獨澄徹甘冽今廢

異泉井 在儒學內西南角今廢

西市井 在西門外今廢

甜水井 在城東南張百戶宅內今廢

冰窖三所

天津衛 在南門裡西今廢

天津衛志

卷之一

建置

三

左衛 在東門裡門房後今廢

右衛 在三皇廟前今廢

義塚

一在西門外一里許五十餘畝明弘治六年立

一在西門外小稍直口路南明工部尚書王公

施

一在西門外砲臺南順治十四年天津道副使

張道湜施名曰漏澤園

集期 附店

市集舊五集明弘治六年添立五集一市

寶泉集 在鼓樓初五十五二十五

仁厚集 在東門內初三十三二十三

貨泉集 在南門內初六十六二十六

富有集 在西門內初九十九二十九

大道集 在北門內初八十八二十八

通濟集 在東門外初二十二二十二

豐樂集 在北門外初二十三十三

恒足集 在北門外西初七十七二十七

天津衛志 卷之一

三

永豐集 在張官屯初四十四二十四

宮前集 初一十一二十一

安西市 在西門外

以上集期俱廢

城西北沿河一帶舊有雜糧店商賈販糧百萬
資運京通商民均便

河東新創雜糧店商賈販糧通濟河東一帶村

庄

形勝

按一統志河經武垣之北九河之會五壘之居

東瀕滄海西麓太行南枕滹沱北背高河地勢

廣闊水陸要衝舊志同河間

山本衛無山

海去城一百二十里

衛河源出衛輝府經流故城吳橋青縣各界又

東北流三百里由直沽入海出一統志亦名御河

三岔河在津城東北潞衛二水會流潞水清衛

天津衛志

卷之一

形勝

三

水濁合流東注於海

盧溝河在順天府西本桑乾河其源出山西大

同府桑乾山經太行山入宛平縣境出盧溝橋

下東南至看丹口分爲二派其一流至通州高

麗庄入白河其一南經固安至武清縣小直沽

與衛河合流入海出一統志小直沽即今天津衛

巨馬河在霸州治北源自盧溝河流經州境東

合界河今移流州治附會霸水至直沽入海出一

統志

玉帶河在保定縣北東流入會通河入海出一統志

黃義河在大城縣東北八十里源自交河分流至縣境入三角淀由直沽入海出一統志

三角淀在武清縣南週圍二百里或云卽古之雍奴水經雍奴者藪澤之名四面有水不流日雍以其源自范甕口王家沱河越潞河劉道口魚兒里河諸河水聚東會由直沽河入於海出一統志

天津律志

卷之一

建置

五

火燒淀廣四十餘畝聚石溝折河急河三水流入衛河由直沽入海出一統志

清沽港西接安沽港東合丁字沽由直沽入於海出一統志

高橋淀週圍三四十里衆流所聚北入楞叉河東會堂兒淀出一統志

馬家口去城東南約一里許洩南淀之水

寇家口去城南約十里許通水淀之利

丁字沽去城北七里其河形有如丁字之象萬

艘分載於此

鹹水沽去城東南六十里命名以鹹而沽水甜淡

新河去城東南九十里在寶坻縣境內先年因海運遭風波之險明天順元年漕官奏准調四縣覓夫役由水套新開二沽開濬新河一道計四十里通接潮水以便海運焉

渡蹕

巡狩之典載於虞書將以採歌謠觀風俗今我
皇巡幸復古禮也且兵衛少而徵求寡
鑾輿所駐庶民慶之志渡蹕

明文皇曾渡此

國朝康熙八年十一月初一日

皇上幸天津駐營稍直口

御駕親入西門出北門凡遇生員叩接我

皇馬上躬身

天津衛志

卷之一

渡蹕

三

天語下詢是何年進學習某經若干年紀優隆士
子亘古未聞遍訪民間疾苦萬姓歡呼

旨傳天津道僉事毛壽登營中試策又

旨傳生員進營

親詢毛僉事治蹟次日從教場過河

命魚船打魚一網獲鯉二尾賞銀五兩村童牧叟

遮道仰瞻

天顏全莫之禁天津彈丸之區自明至

清兩經

御蹕焉

〔至到〕

彼疆此界舊制依然若道理遠近是郵傳所由
限時日而輸將用以稽遲速也志至到

南至靜海縣陸路柒拾伍里 水路壹百里

北至楊村驛陸路陸拾里 水路七十里

東至梁城所陸路壹百肆拾里 水路壹百柒拾里

西至楊柳青陸路肆拾里 水路伍拾里

南到江寧府陸路貳千伍百里 水路叁千里

天津衛志

卷之一

至到

三

北到順天府陸路貳百伍拾里 水路肆百里

東至海陸路壹百里 水路壹百貳拾里

西到河間府陸路叁百里 水路叁百伍拾里

〔古蹟〕

援古以信今考蹟以徵實憑眺者所不遺也天
津建立雖三百年而遺蹟匪朝伊夕遵舊採新
以資閱覽志古蹟

潮汐海水溢上爲潮縮下爲汐其所至之處北

至楊村南至長屯一日兩潮

呂彭城在城外西北去城十餘里俗傳呂布彭越曾駐兵於此而築之也

巨家庄在城南去城五十里世傳爲漢時巨無霸故里

軍糧城在城東南去城柴拾里元海運爲屯糧之所週圍基址尚存

三箇庄在城南去城南三十里其村俗稱兄弟三人所居

塌河淀在城東北去城三十里俗傳前代塌陷

天津衛志

卷之一

古蹟

三

爲淀週圍百餘里遇陰晦時見其城池之形

富家村在城南去城二十里俗傳漢孝子董永典身葬親處

寶船口在城東南去城五里明初命官往貨西域灣泊巨舟於此明季曾撈鐵鋪一口甚大今無存

出龍河在城南去城二十餘里俗傳曾有龍出於此河故名

掛甲寺在城東南去城十三里世傳曾有兵過

此處掛甲於寺

天津衛志卷之一

天津衛志

卷之一

古蹟

前六行未陽誤作菜陽

一頁後四行披草菜而立城菜疑作菜

口乙七



